

瑞安鄉土史譚卷五

海寧縣志

瑞安鄉土史評

卷五

甌海軼聞

五冊

名目

婁寅亮

陳愛

楊景銜

林增志

林增厚

許松年

官業

薛良朋

周適中

聞人阜民

張聲道

柴景望

蔡範

韓偉

項伍

鍾濟

項備

鍾城

楊昕

金浩

林上梓

忠義

薛良貴

陳壽孫

陳任翁

卓敬

四義士



錢斌

孝友

王成孫 陳茂烈 吳為东

義行

劉進之 陳後 陳善民 朱世倫

介節

朱德甫 徐履

隱逸

林民達 沈耕道 沈後

科第

紹興同年 寶祐同年 張氏科目

狀元識語 洪武同年

封爵

許景衡 宋之才 項操

封廕

戴壯猷父母 謝雲父母 陳傳良父母 入身

楊景術祖父母 朱養心父 張溪曾祖父母

柳楷父母 任道也父母 又妻 項受遠祖

周令嘉 許松年曾祖父母 方成疏父母

名臣

宋

婁寅亮

此婁陟明上高宗皇帝書也陟明名寅亮永嘉人早負才名游
上庠有聲南渡後始為上虞丞大駕暫駐越上陟明扣閤抗疏
以陳是說首發大計之端上讀之大以歎悟富季申時為樞密
從而薦之即令召對改官除監察御史告詞云汝俊造策名懷
慨自在上書論事憂國甚深深有大用之意未幾會秦師垣入
相嫉之撫其前任微罪廢棄以終先人與之有太學同舍之舊
封事之初實縱史之手寫副本以見遺云時紹興元年十一月

也或云陟明被譴後還鄉值江漲父子歿於巨浸未知果否王

清揮塵錄一

高宗行達會稽婁寅亮待次某縣丞寓會稽村落中出奏書乞
建儲高宗時年二十六七大喜即日除監察御史遣黃院子懷
勅牒物色授之中使至其家家人聞倉卒有聖恩以為得罪且
死相與環泣寅亮出使者自懷中出勅命寅亮拜受與使者俱
詣行在所此事國史不載朱子語類一百二十七
輝紹興間得婁寅亮奏劄婁初不知其出處近聞乃温州人字
陟明擢政和二年進士乙科曾任察官屬鄉邦大浸父子皆沒
於水或云論事之疏不止於此周輝清波雜志一

紹興元年五月上虞丞永嘉婁寅亮上書言今昌陵之後寂寥
無聞僅同民庶藝祖在天莫肯顧歆此點虜所以未肯悔禍也
望陛下於伯字行內選擇太祖諸孫有賢德者視秩親王以待
皇子之生退處藩服高宗讀之大為感歎簽書樞密院事富直
柔又從而薦之有旨召對其年六月也原注王明清揮塵錄寅亮既對十
一月遂除監察御史二年二月寅亮為奉檜所擠而罷李心傳朝野雜

記

按寅亮此疏見郡志其為直柔所薦則志所未載也又按欽
宗靖康元年詔試天下士於毘陵考試官有權越州稅院婁
寅亮見史能之毘陵志十一頁舉陟明嘗為越州監稅亦志

所未詳

壽皇入繼大統時則有婁寅亮以建儲為定策之功之首正齋集二

十四奏乞褒錄婁寅亮子孫劄子

寅亮初以上虞縣丞敢建大議高宗嘉納擢為御史其後時議

不同竟死小官澤不及後遂以乏祀若以至和嘉祐故事言之

宜在褒崇之典同上

按據此則婁御史固有子孫今永嘉場青山婁氏蓋其後人

周輝王明清所云恐皆不足據

婁寅亮永嘉人紹興元年為上虞縣丞高宗駐蹕會稽上封事

言太祖舍其子而立其弟首發大計上讀之嘆寤召對除監察

御史後秦檜用事不能阿附不復用而死王象之輿地紀勝十紹興府官吏

君之先繇長溪徙永嘉曾祖瑄伯祖監察御史寅亮者自譜其

系距唐納言十四世爾祖克亮父世初楚州教授瀉紹閔知名

戴相浣川集十婁南伯墓誌銘

按據此誌陔明父蓋名瑄有弟名克亮亦可略考其家世

陳夔

察官兼說書自陳少卿夔始李心傳朝野雜記乙集十五

公姓陳氏諱義民字季陽溫瑞安人故故吏部侍郎公夔字著

仲為母弟止齋集陳季陽墓誌銘

著仲一失時宰意竟崎嶇銜不得施用以致同上

名臣明國朝

楊景衡

公諱南字景衡以字行世居閩之長溪激村五世祖龍桂宋紹興請浙漕解溫熙中兄宗旦赴溫之瑞安知縣事與之偕行因得執經於止齋陳先生之門遂卜汀灣而定居焉學業日富博學通群經措紳尊之曰東灣先生二子長東魯習書經次嚴習賦並中景定三舍選入大學升上舍東魯生武烈武烈生瑜瑜生良是為公之高曾祖禰也

黃淮介菴集十三參政致仕楊公墓誌銘

公資稟英秀而敏慧少從伯父滄洲先生學春秋既而滄洲應

博學薦公卒業於前進士秦府長史栗齋林先生立志為文濡
毫伸紙滔滔不泊先生器重之謂諸生曰他日必勝重任太祖
高皇帝不詔求賢郡邑交薦以親老辭洪武庚午邑令黃君通
雅知公力以明經薦領浙江鄉貢會試中副榜時郎署缺官擢
任兵部司馬主事丁外艱起復特陞吏部稽勳郎中未終考用
大臣薦超陞福建左參政同

營建北京國之大事命下江右採木俾福建協相其役監臨者
獨驅閩之邵武等府下民赴役疲而顛仆狼藉於道公聞之若
若疾亟在躬合寮案籌議而親董其事覆覈丁產均道里更迭
接運不日告完而遠鄉不預歡聲洋溢乎四境漳州盜發逮捕

株連誣服者眾公辯析奏聞廷議斬其渠魁而流其黨與下臺
獄覆獄眾莫能決公乃閱舊牘原情辨論註誤者咸得釋免汀
州千戶之母為姑所誣獄成公察其情有可矜按問誣有左驗
遂免死朝政重貪黷之罪以勵廉恥公按行郡邑廉知漳州知
府李誠侯官知縣佗振等七十餘人汙濫無檢列奏正其罪而
黜之由是屬官僚肅然懲勸同

太淑人在堂道遠弗克就養因名其廨宇曰草心堂以寓瞻戀
之私同

所作詩文有在朝稟及紫微清暇致事清歡歸田樂事諸集若
并卷尤善行草人得片楮珍藏以為佳玩忽遺微疾笑語如故

啓手足而告終朔其生之年元至正己亥五月二十九日享壽八十有六配曹氏封淑人宋少傅禮部侍郎文肅公叔遠之八世孫子男四長煜早亡次謙次曇次曙孫男十有一奎圻圻坦培筠塿致堦增垆同上

龜山楊先生宗緒凋瘵僅遺一息流于浮屠公深憫之喻以大義勉令蓄髮加以衣冠聘良家女以配之俾承祀事垆

既遂歸田築一室避諠別號曲江外史時與二老弟燕間和樂以協手足之情旦夕集子姪講論經史從子所得傳春秋家學中浙江鄉薦令為國子上舍垆

按公居洲村故以曲江自號見虞原璩環庵集送楊曲江大

非參奪情起復詩注所後為上海令有循聲見上海志名宦

楊景衡永嘉舉人以吏部郎遷任成祖北征用輔臣薦命總督糧餉既班師復任臨軒慰諭之曰聞閩人望汝如渴急往無怠後以老乞致仕年八十餘景衡寬厚平恕識達治體佐閩藩三十年不渝其操福建通志百三十宦續

林增志

林增志字可任瑞安人懷宗戊辰會魁知蒲圻留心愛養慎刑賑饑築堤防纂邑志修學課士一時獲雋者多出其門湖廣通志四十一

三名宦

大童林野師示予曰但知當處出生隨處滅盡便了後林可任

茶子曰我這裏不然當處無生隨處無滅可任名增志為明末
名臣申高之後為僧法名等懺送收雲師入天童予得相晤於
明州海憲署中

王麟印楞嚴
自知錄一

按郡志僧志字任先為僧名法幢而此云可任法名等懺亦
足以備異聞

林培厚

國朝

君諱培厚字敏齋先世自閩徙於浙為溫之瑞安人年十五入
學第一後屢試皆第一而獨艱於鄉舉凡十二試乃得舉至嘉
慶十三年成進士入翰林年四十五矣又八年出知重慶府囑
匪帶刀異常制籍境中鍛者若干家禁無製賣有犯則坐沿江

渡船為盜資藉而稽其出入刻姓名船側盜為衰止民好入天
主教搜其書數十種盡批抉其謬妄多悔悟自改攝東道所屬
雷波廳民夷忿爭或覬邀功請發兵君不應立縛其魁餘悉貨
遣所全活甚眾以是受知於川督蔣公嘗奏稱君明幹實心又
與人書稱蜀良吏惟君與楊太守世英耳

邵懿辰位西遺文湖
北擇儲道林君墓表

母憂歸服除起知天津府時蔣公徙為直督畿輔大水百二十
州縣被溺災津地窪下害尤劇君徧行屬縣振活饑民七十七
萬有奇他屬民流轉入京師就食係籍棲流所列郡多有獨無
津屬一人奉天臺灣商米先後抵海口議以官錢收買君委曲
酌量商民交利而官不費會有詔督撫特保屬吏之賢者將

公舉君等五人讀上不旬日擢大順廣兵備道上

許松年

公姓許氏諱松年字養雋浙江瑞安人也

仰懿辰位西遺文許公墓表

公貌

魁偉異常人幼隨諸兄讀輒逃塾馳馬乃就武試年二十中武舉再會試不中入營効力以千總擢鎮海守備護參將時李忠毅公為定海總兵統官軍勦牽等以公為先鋒自是後戰必倚公度重洋追攝捕屢有擒斬先後獲賊目及舟船礮械無算上始蔡牽踞閩洋朱濱踞粵不相攝未幾牽獲閩商巨艇劫臺灣米分餉濱遂與濱合連舸百餘入閩洋戕溫州總兵胡振聲復合犯浙海鋒銳甚時忠毅總統浙閩水師遇於扁礁洋二賊結

為橫陣公秉李公令分舟師為兩翼左右擊而自帥銳師突貫其中賊不支遂潰幾獲牽牽委敗於濱濱怒黨復分是時賊艘多倍我方戰公勇氣踔厲銳矢傷面不避李公大愛賞益內親公乃請公女妻其嗣子十年護金門總兵四年敗濱甲子洋六月擊青龍港當時蔡牽數大創乃謀奪臺灣為窟穴大舉賊眾盡載所掠財賄入臺灣樹旗稱王攻府城他賊萬人別屯州仔尾沈舟塞鹿耳門以拒官兵之赴援者李公至不得入謀知南汕北汕大港門可通小舟令公及澎湖副將王公乘澎湖入攻之公與王公議曰我師火難以力勝賊船巨而重誘使膠於淺以用火攻乃可破也明年正月伏兵淺汕親挑戰賊果入伏中

火賊舟連戰皆捷二月朔公夜率銳師躡水登州仔尾焚其
寮牽感將就禽忽鹿耳門潮漲颺所沈舟牽得竄出公復與李
公火擊敗之是役也公為軍鋒冠前後奪舟大小數十焚寮及
舟無算殺賊數萬橫尸數十里臺灣獲全威名振海上上同
俄擢廣東陸路提督調福建水師提督為提督五年總督趙文
恪公慎畛深相知愛言計悉聽從代趙公者嘗與公不相能乃
坐臺灣民械鬪公馳按不即決為違誤軍事并鎮協官劾之並
落職尋格眾論請仍以都司遊擊起用而公已病不能興矣上同
福建水師提督許公松年字樂山温州人嘉慶中由偏裨從提
督李公長庚擊蔡牽數有功遷漳州鎮總兵游至水師提督金

匱孫文靖公初為鹽巡道有隙孫後為閩撫致書蔣襄平相公
短之許知語人曰是且為閩督必受其傷當先避之耳而孫顧
善接之不能決未幾孫果督閩浙軍益厚許所言皆聽許大喜
過望遂無去志道光五年臺灣閩粵莊分類械鬪鎮道不能靖
許巡閱至臺奏辭頗張大孫文靖亦飛章繼之是時張恪爾方
有事朝議大軍進征西域以山東巡撫武公隆何嘗鎮臺灣
將授參贊大臣督兵渡海其實臺人固未反也而許已使人曉
諭兩造愿罷鬪聽官理治惟匪民懼誅未就捕孫聞武公將至
亟上言請止即自渡海相機剿撫上方憂西事得奏改命武
公西行孫至臺灣民間已稍定矣乃縱兵大捕誅遣五百餘人

火賊舟連戰皆捷二月朔公夜率銳師躡水登州仔尾焚其寮牽感將就禽忽鹿耳門潮漲颶所沈舟牽得竄出公復與李公夾擊敗之是役也公為軍鋒冠前後奪舟大小數十焚寮及舟無算殺賊數萬橫尸數十里臺灣獲全威名振海上上同
俄擢廣東陸路提督調福建水師提督為提督五年總督趙文恪公慎畛深相知愛言許悉聽從代趙公者嘗與公不相能乃坐臺灣民械鬪公馳按不即決為違誤軍事并鎮協官劾之並落職尋格眾論請仍以都司遊擊起用而公已病不能興矣上同
福建水師提督許公松年字樂山溫州人嘉慶中由偏裨從提督李公長庚擊蔡牽數有功遷漳州鎮總兵洊至水師提督金

匱孫文靖公初為鹽巡道有隙孫後為閩撫致書蔣襄平相公短之許知語人曰是且為閩督必受其傷當先避之耳而孫顧善接之不能決未幾孫果督閩浙軍益厚許所言皆聽許大喜過望遂無去志道光五年臺灣閩粵莊分類械鬪鎮道不能靖許巡閱至臺奏辭頗張大孫文靖亦飛章繼之是時張恪爾方有事朝議大軍進征西域以山東巡撫武公隆何嘗鎮臺灣將授參贊大臣督兵渡海其實臺人固未反也而許已使人曉諭兩造愿罷鬪聽官理治惟匪民懼誅未就捕孫聞武公將至亟上言請止即自渡海相機剿撫上方憂西事得奏改命武公西行孫至臺灣民間已稍定矣乃縱兵大捕誅遣五百餘人

而効提督無功先是門事之起以彰化縣粵籍人與閩籍人失
豬相爭互有擄掠官治之不得要領匪民乘機焚搶遂分類相
攻殺蔓延及嘉義淡水許嚴責官吏聲言將大有參効辭厲而
氣驕眾懼想于總督孫公至乃密奏許查辦不協機宜總兵蔡
萬齡悞懦釀亂 上褫許蔡職交總督隨營差遣事竣放歸孫
公之奏也出許不意及褫職命下無可申辨許憤懣甚取冠投
地鬚目皆張始知為人所圖歸未幾疽發背死姚瑩識
小錄七

按姚公字石甫嘗為臺灣道終四川臬使官闈最久此所記
皆實錄而誤以許公為台州人今改正文靖本俗吏深恃特
甚許公鎮漳州文靖嘗為知府許公負才傲兀頗不假以詞

色故積恨而甘心焉官場之險如此予所見此類不少吁可
畏已

宦業

薛良朋

方扈蹕金陵佐戎淮甸天子召見無虛歲人人謂才欲有所撥煩

必曰薛良朋也

止齋集四十七敷文閣直學士薛公壻誌

按誌公字季益治麗水有聲薦入胄監檢法御史臺丞奉常為

尚書郎選知徽州將漕江東二浙守臨安府擢工部侍郎遷吏

部以學士出守福泉荆南城都制置四川食祠祿於家十年以

馮熙乙巳八月卒年七十階通奉大夫封永嘉郡公贈光祿大

夫又季益葬所居李與母許氏忠簡姪女娶章氏子璆嘗知餘

干縣琳嘗知臨江縣女適林轟嘗監左藏封椿庫章伯奮嘗主

富陽簿載閩之嘗知上虞縣皆見墳誌

乾道二年十一月薛季益以權工部侍郎受命使金國侍從共餞之於吏部尚書廳陳應求主席自六部長貳之外兩省官皆預凡會者十二人薛在部位最下應求揖之為客薛不就曰常時固自有次第奈何今日不然諸公言此度正為侍郎設何辭之為薛終不可予時為右史最居末坐給事中王日巖日予曰景廬能會卒

開庭

斯伍

常此

薛巨

無冤抑有賦

稅踰限者召至面諭無敢通鹽司交薦除御史臺主簿

雍正處州志十九麗

水秩

按止齋集薛公墓誌言其檢法御史臺主簿或志誤也

周瀆中

先生姓周氏諱瀆中字仲古及進士第乞監潭州南嶽廟教授全州以心喪去又教授廣德之軍廣德之學自錢公轉洪興祖先生增制學宮教以義利先後人用知勸滿秩有咨其賢者共為薦改官知台州寧海縣富人子育於伯父後乃懇父與肯不平傳獄累歲矣先生使並處一室為言鞠養舊恩可念也因相泣不復懇知州索民父甚急先生爭不可又以故乞監嶽廟去

水心集十八朝散大夫周先生

富陽簿戴闔之嘗知上虞縣皆見墳誌

乾道二年十一月薛季益以權工部侍郎受命使金國侍從共餞之於吏部尚書廳陳應求主席自六部長貳之外兩省官皆預凡會者十二人薛在部位最下應求揖之為客辭不就曰常時固自有次第奈何今日不然諸公言此度正為侍郎設何辭之為薛終不可予時為右史最居末坐給事中王日嚴目予曰景廬能會卒開應對願出一轉語折衷之予笑謂薛曰孟子不云乎庸敬在兄斯須之敬在鄉人侍郎姑處斯須之敬可也明日以往不妨復如常時薛無以對諸公皆稱善遂就席洪邁容齋五筆十薛良朋永嘉人紹興中知縣明法善斷吏不能欺民無冤抑有賦

稅踰限者召至面諭無敢逋鹽司文薦除御史臺主簿雍正處州志十九麗

水秩

按止齋集薛公墓誌言其檢法御史臺主簿或志誤也

周馮中

先生姓周氏諱馮中字仲古及進士第乞監潭州南嶽廟教授全州以心喪去又教授廣德之軍廣德之學自錢公轉洪興祖先生增制學宮教以義利先後人用知勸滿秩有咨其賢者其為薦政官知台州寧海縣富人子育於伯父後乃懇父與貲不平傳獄累歲矣先生使並處一室為言鞠養舊恩可念也因相泣不復懇知州索民父甚急先生爭不可又以故乞監嶽廟去水心集十八朝散大夫周先生

墓誌

先生温州瑞安縣人居三港鎮之西初買廢山躬執鋤鑿地種木稍鑿平為宅既久則大竹長杉回合蔽虧綺嵐紺池填霍房戶先生出仕之日少退休之日多常終歲閉門花香鳥鳴暢然怡適不問外事閱從市上負販錯雜見者驚異謂為古人先生與人盡恭能推善遜強不使人以其薄仕進為出已上故行高而人不忌著文集十卷春秋說約六卷同上

按郡志周馥中紹興辛未進士江東帥參又按墓誌自再乞徽廟主管淮西安撫司機宜文字遂授茶陵軍使又乞主管建寧府武夷山冲祐觀馥熙十六年五月己未卒年六十八階至朝

散大夫葬來暮鄉龜巖父之翰大宗正丞贈中大夫子櫻補材又按之翰亦見郡志選舉與林竹軒同榜竹軒有周希父挽詞云憶昔同年友吾鄉有五人希父即之翰也

聞人阜民

聞人阜民瑞安人紹興二十七年進士隆興間教授汪應辰薦狀云福州學校最盛春秋補試不下六七千人奔競請謁習以成風是非毀譽無時不有阜民持身嚴謹守法堅確人不敢干以私久之亦無閒言士之癡老者安行之敏秀者誘進之偏長片善必加獎勵人益自愛而勸於學

福建通志百二十三福州官績

按阜民郡志無攷

張聲道

竊見朝請郎改權發遣永州軍州事張聲道早擢儒科嘗丞母府
文采學問士論所推自去班行荐更麾節今為永州留心郡政剖
決民訟發擿吏姦搏節非泛之資罷去非義之取如零陵舊有竹
稅久已無竹而稅額尚存聲道到任採訪即為蠲放客旅舊苦重
征多不入城市井蕭條聲道寬其認額民旅遂通又能捐奉助學
勤身率下豈弟之政田里安之識者謂其材堪臺閣不當淹卹於
外名臣奏議一百四十九衛
外涇奏舉張聲道等狀

按聲道馮熙甲辰第湖南提刑見郡志

若夫高棟大屋涼軒燠館樓閣照映而又多設空基以廣異日之

不足如聲之為者蓋千百不一見也

水心集張聲之友
于叢居記

張氏之居曰陶山山回水明蔥秀清蔚如善畫者開元以來世有
冠冕自元豐至開禧第科目者十三人聲之嫁娶孤子女親戚朋
友待以葬埋衣食甚眾為人恢疏談笑放曠山湖間其立朝治民
固當世所推同上

資善堂說書者開禧元年七月初置以命張聲之聲道時太子初
就傅李伯珍諫議建請增置講官用嘉祐故事以說書為名從之

朝野雜記
乙集十五

柴景望

宣教郎知信州弋陽縣柴景望學校舊人雅有士譽疆域自立卓

弊不羣。陽近歲彫弊日甚。自其到任。極意爬羅梳結。立義役。以革紛爭。賣弄之弊。優卹戶長。以除科較代輸之苦。裁決獄訟。一出

至公。人情翕然。稱為賢令。西山文集十二篇本
路十知縣政績狀

柴景望。寶慶元年。知永州。通達政體。檢扼姦吏。覆正簿書。不踰年

財賦自裕。人戶輸苗稅石減一斗。以寬民力。每歲發扛解加二升

以優運船。又增水脚錢。以與之大紓輸運之困。道光永州府志
十三良吏傳

按景望瑞安人。今郡邑志僅見選舉題名。宜據此狀補入循吏

傳

蔡範

東嘉蔡君範。來宰吾邑。深究水之源。初年遂決閘外之港。使水有

所洩。明年遂開田閒之河。使水有所瀦。不特河為有功。而閘亦有

利矣。是役也。君實啟之。君尚書文懿公季子。賢而有文。克世其

家。林表民赤城集十三
玉告安黃巖後河記

按遵甫以益宗。嘉定十五年。知黃巖。見赤城志。秩官表

韓偉

韓偉。温州人。為御史。出巡河南。鎮重有體。一方籍以為安。及轉河

東。運使。清操特著。多所建白。憲章彙編三十
四宣德名臣

韓偉。瑞安人。永樂中。太學生。擢監察御史。巡歷有聲。陞河東鹽運

使。以清慎見稱。卒於官。雍正山西通志
八十六名宦

按韓偉見郡志。選舉下瑞安貢士

項任

項任字如僉瑞安人正統初任無錫尹明恕仁厚扶植善良不畏強禦嘗逮繫京師眾以溫言接訟者任獨毅然不屈事白還任正統末致仕邑民留其靴掛愛民坊上仍立碑識愛

萬姓統譜六十九

按任永樂年貢士見郡志選舉其事已載循吏而不及姓譜之詳

鍾清

成化十四年春正月吏部以朝覲奏老疾罷輒貪酷及素行不謹官二十六員惟福建右布政使鍾清浙江按察使劉鈞江西按察使趙致清慎正直中外所聞為權奸忌陷俱列不謹君子惜之

憲章類編十八

按鍾布政瑞安縣人其罷官及由權奸忌陷邑誌未及詳

項備

項備字如兼瑞安人貢士正統間知安仁精於吏事陞工部主事

饒州府志十三名宦

鍾城

鍾城瑞安例貢任鉛山縣丞清慎恭肅後繼朱鴻漸為令亦以不

媚上官解組士民懷之費文憲公賦石井歌以贈

同治廣信志名宦

按郡志瑞安例貢知縣

楊昕

楊所瑞安人景泰三年知上海縣興學勸農平徭簡訟丁憂去凡
賻贈皆不受起復知華亭縣清操愈厲士民稱之祀名宦祠

乾隆
安縣

志名
宦

按所楊參政景衡從子又按松江府志名宦所由華亭移壽光
卒於官喪過吳門士民多從哭奠又華亭志名宦提學使選秀
民充弟子員所具書稱名敦請士皆感奮以疾卒民多哭奠者
又按所正統六年辛酉舉人見郡志又按萬曆本方正學集張
弼跋云二十年前瑞安楊元齊知吾華亭出方先生遜志齋彙
見示乃錄本也且道先生大節頗詳其篇末云成化十八年則
所蓋字元齊

金誥

公諱誥字榮卿別號鳳南世為瑞安永豐里人嘉靖庚戌授直隸
秦州判官秦民困於馬役往多逃徙公察其偏累白於上而調停
之著明畜之令減歲輸之直而民困稍稍以蘇諸所委屬如督漕
儲戢盜猾理鹺課及清驛傳事皆立辦而宿弊以蠲賢能著聲為
當道所嘉與

半山藏藁秦州倅
鳳南金公墓誌銘

按墓誌誥祖孝文殷卒於萬曆七年年八十二子都醫官邵澄
東行太僕寺主簿都郭葬鳳山又按郡志瑞安例貢邵亦由貢
得官

林上梓

林上梓字次定温州瑞安人性至孝登康熙乙酉鄉榜雍正十年任鄞縣學教諭每晨必焚香謁聖親執塵拂拭几案寒暑無間學中無辭舍賃氏居縣庫貳罰鍰五百餘金邑令鄭大德欲為造署上梓以無眷屬可緩辭請造專經閣築射圃牆園因以其餘草構已署并司訓衙齋顏其堂曰雙清曰吾以此自勗也教人一俸白鹿洞遺規講貫經史疊疊不倦經指授者多為名士諸生考前列無力幫補者不責其費或反助資成之有郭生景行文品兼優上梓首舉優行文牘不假胥吏手至部覆准作優貢其家始知新例節孝由學徑詳上梓惟廉其實與合例否不以貧故有所遺或奉上委勘公事餽遺皆峻卻聞以餘俸周濟寒儒某生家有老父貧

乏不能自存上梓約其日侍父至齋一飯時郡志初成上梓摘其謬誤數事謂黃宗明附會大禮之議不當入儒林屠印姑卒於明萬曆不當編入今朝論者以為精審任滿陞嘉定知縣政聲籍甚氏方之陸隴其所著有雙清軒調鶴齋滄雪齋詩集

光緒鄞縣志名宦

忠義

薛良貴邑賴以全

薛良貴字貴全瑞安人居白門初名天球字次公入太學坐元符
上書議朝政謫籍後改命名登政和第終朝議大夫知光州復州
贈通奉大夫宣和方寇犯城與兄良顯率鄉民控扼要害邑賴以
全萬姓統譜一百八十

按合郡志薛良貴見忠義傳而諸科聽讀有薛天球宋益上書
忤旨往往謫諸州聽讀並非科目之名天球即良貴初名皆未
能詳攷

陳提刑徇節

陳壽孫瑞安人。和寧祐間登第授台州教授會新郡守初視篆乃
丞相丁大全之黨至謁廟日壽孫乃揚言曰昔冉求為季氏聚斂
聖人尚欲鳴鼓而攻之太守乃丁大全黨聚斂之徒焉可登我夫
子之堂哉守聞之遂解印去後直龍圖閣歷福建提刑會吏聞風
畏懼引去後入覲與賈似道爭鹽法事被劾歸里元兵入
操兵聚瑞安白巖橋樂北民居扉戶床卓累以為柵兵至民散
潰遂被執元將故降之瞋目視之曰我大宋憲臣乃從爾胡耶厲
聲曰何不速殺我遂囚於獄邑吏或戲之曰提刑亦下獄耶壽孫
叱之曰吾志尚能斬賊配吏顧力屈耳將壯之命縊死於獄云
萬姓

統譜
十八

按命郡志無叱邑吏一節可據此以補其略

陳任翁勤王

陳任翁字信則號麟洲瑞洲仲弟子宋景炎元年丙子起義兵勤
王應張世傑檄提兵至廣南任督僉尋卧病卒於軍中年二十歲

清頴一
源集一

按任翁丙子廣南病中詩云危疑身世寄凶鋒病久急甚術已
窮卜命自知終有死勞生空恨竟無功鄉愁滿眼秋
沾衣夕照紅只恐游魂招不得杜鵑聲裏拜東風又丙子歲二
首末云樞衣白主將功重名亦足世無不死人慎勿汗簡牘其
以死許國蓋其志也

一卓忠貞私稱

卓敬吾溫瑞安人洪武戊辰進士初為給事中嘗勸上抑諸王服飾僭擬后歷宗人府經歷進戶部侍郎時太宗為燕王來朝敬密奏欲徙燕於南昌上覽奏大驚袖而入事竟寢後靖難會再言此敬數之曰此得非前日奏我諸王者耶敬厲聲對曰若一帝人何能至此上怒欲殺之繫獄使人風之受官不屈姚廣孝乃曰昔吳王不殺范蠡平滅吳王衍不殺石勒終殺衍夫使敬言誠見用陛下豈有今日於是斬敬妻三族敬死出於廣孝所技太宗皇帝實不忍嘗歎曰國家養士三十餘年卓敬可謂不負君矣宣德間敬門人黃養正賚敬小像至京師求編修劉球作傳球稱其與

美齊當不朽且私謚之曰忠貞公論也嘉靖乙巳洪太守垣故改公祠於張氏官房立碑求記喬叟為之未幾洪因事被論回籍而碑石至今未立詹亦竟失原稟因書此俟諸將來有志勵世風者

項裔甌東私錄六

按此則合所稱忠貞蓋劉球私謚宣德時革除之禁未弛而其門人乃能携像求傳球乃為之美謚明士大夫尚義者皆已此惟卓公祠今惟永嘉江心及吾邑城內有之所謂項裔官房不知在何所矣養正亦瑞安人善書合國子監明時題名碑有養正書者數通予嘗拓之以歸庚申之亂亦燬於火又按養正名崇蓋以字行大志

見明畫錄

卓忠貞後人在瑞安

天啟神孫推心聖祖聞者孝事兩宮因霽然下明詔酬忠魂求其
後天若增而高日若濯而明而卓公者吾瑞安人也瑞會書其
服行忠孝懷之久矣乃一日受詔則洒然泣躍然起走

求卓氏之遺孫而致焉

二卷近臺三瑞安卓忠貞公祠堂碑

按記作於隆慶六年而不言其國建於何所然據此可以知卓
公子孫尚在瑞安矣又按畿輔通志八十四流寓傳云卓敬浙
江人徙滄州然則忠貞又嘗居滄州耶

國初四義士

示嘉祥狂生葉尚舉字天章順化府成秋甌始歸附尚舉婆娑市
上或歌或泣如優人狀家有妻女皆棄不顧夜則偃卧市傍或數
日不食如是凡八閱月數為軍吏所窘辱丁亥仲春上丁狂益肆
陳詞孔子廟橫甚郡伯朱公執白兵使者雜治城隍廟中時有欲
活尚舉者曰且繫獄在繫到臘月多作詩歌一日將讞成於杭嘆
曰苟讞而生何如死從容起取毫楮作自叙賦絕命詞
而斃時五月端陽前一日故其詩有未斟蒲酒腸先斷
骨已香之句云其先瑞安有鄒生欽堯字維則少喪母父嘗為胥
始弱冠補弟子員家四壁立永嘉富人劉以女妻之欽堯居甥館
讀書不聞寒暑夏大暑落寡偶丙戌秋郡人雲擾欽堯起書數

以上所錄人應有考之

語於几上作書遺父致永訣勉以毋效西河戚赴江心水死見者
則趣舟覓其屍弗獲咸異之年二十七時葉尚舉尚未死以詩示
之後瑞士有棄諸生終身為庶人者二人楊毓奇杜門不出著春
秋傳衡康熙間年七十餘卒陳以達以資梯貢遊於荒會
卯年八十餘未鴻瞻竹園類
輯九葉鄉合傳

錢二曹高節

邑中有隱君子姓錢氏諱曰斌字曰二曹其生也其學也其入庠
而舉於鄉也縱飲嘯於吳山西湖間也皆在有明之世及倦游而
老於家會崇禎帝賓天遂鬱鬱不樂以為終年當是時吾鄉義士
葉如鄒或佯狂或慷慨君皆一然想慕其人自以生為罔因號

人一齋以見志上世居江之南岸一諱志始徙馬坊巷考諱賜妣林
氏少早孤偕其仲琳事母以孝聞與人厚和煦無岸吟常周人急
尤樂成就讀書士有藉以舉火者性好古積學既富晚歲發為詩
歌巨麗有尺度康熙庚申四月四日卒年七十三生萬歷戊申正
月二十日配南堤項氏子一六人煌康熙歲最蔚景游邑庠者三女
二人適庠張子履乾孫男五女三葬以壬戌十有一月六日孤負
狀乞銘能道父志且泣曰卜宅隆山之麓得面卓氏峯一稱平生
仰慕忠貞意予曰善遂從而為之銘竹園類輯錢二
曹先生壙誌銘

孝友

王守中至孝

王成孫字守中永嘉郡人父良臣母孟氏守中其季子也氣稟清
厚性至孝色養無違禮父病亟祈祝於天願減己算一紀以益父
壽父病尋愈果延十二載父沒哀毀過情諸父極起飲食之已而
寢苦枕塊者數月得疾始歸倚廬不如葷食肉其容戚且瘠踰甚
不改人竊思之余知其為孝子也

豐湖王氏譜李仲
謀王孝子行述

按仲謀臨川人成孫為王修撰益大孫賢良王景山之後

陳茂烈清苦養親

私治十七年春正月編史陳茂烈以母老陳情乞終養許之茂烈

世為福建興化衛總兵少喪父茂烈繼其役厲志邁俗不與羣伍
晝入公署夜歸讀書祖母憐其孱弱坐正之乃韜燈默讀不少輟
年十八慨然嘆曰善學聖人者莫如顏曾顏之克己曾之日省豈
非學之法歟乃作省先錄以自考登進士為吉安府推官明允公
恕信孚於民考績歸至淮以乏寒具凍幾死所知覆以敝裘始醒
及為御史冠裘樸素借騎牛牡馬身若無官而自任風紀之處彈
劾不避權貴乞歸終養躬自治畦妻子服食粗糲人甚不堪而泰
然自足日坐斗室究極經書體驗身心隨得隨錄嘗曰儒有向上
工夫詩文特上苴耳憲章類編十七

萬德八年賜終養御史陳茂烈月米先是吏部以茂烈養母清苦

夫改為晉江教諭俾得資其祿以便養茂烈辭至是福建守臣復

上其孝行實若吏部援侍郎潘禮例奏給月米制曰陳茂烈亟清

若可嘉著有司月給米三石以資孝養茂烈仍具疏辭不允同上

按茂烈事見瑞安志人物謂其字特周五十都大概山人祖以

軍功移福建興化衛總旗所載略與此同

吳筠東隱居養母

吳筠東里之吳橋人名諫字獻可隱居養母至孝為詩賦清新俊

逸下筆一字不苟

清韻一源集二陳挺早
春奉寄吳筠東詩注

按命吳橋吳氏猶有在校序者或即筠東子孫也又按陳挺送

吳虛中先生赴京會試詩注庚午貢士授湖北訓導名論字獻

議里之吳橋人蓋諫之第弟行也論嘗選陳氏詩見卷首陳鈞
之序又按吳論見郡志選舉貢士

義行

劉進之義行

初君以風誼為鄉閭信服雖強悍小人素難與言者於君無不愛
敬里有爭競輒就平處或為不善於室率自警曰劉學正得無知
之乎

浪語集三十四
劉進之行狀

同郡賈司理如規與君切以善稱一鄉人士諺曰適樂成不見賈
元範枿溪不見劉進之是浮桐庭而不嘗橋之食也其見重於時
如此

同上

君諱愈字進之幼親悟篤志於學試郡三舍舉入優等荐丁艱棘
石竟存四十棄場屋遊志於浮圖氏學號無相居士

同上

其先世友愛至君兄弟益雍睦三世同居無一言之閒君問不及
生計第某亦任之不疑視兄弟子若己子然皆終始如一日家豪
於貨未嘗以訟至官府或加之無禮往往笑不與校君為人方整
至誠出於天性不妄言笑終日危坐凜如也盛暑不解衣帶接物
溫粹見者必肅嚮人無一介之偽而莫敢欺以不情聞人之善喜
見辭色常稱引以訓子弟見稱人之惡者謝曰幸毋及此知識有
過時時面為告導退不以語人嘗止僧舍有竊君卧具而得者君
曰是非我物即以予之善與人交少所與遊皆知名士賑其貧者
至解衣傾困蓋不一再然常不待其有請後多賴以卒業為世顯
人客來無貴賤掇食見之無倦色有求無不遂其所欲或以無擇

為嘗君曰吾以採薪而已其門故多貧士至者相踵君未始以有
亡為辭其飲食之不事豐腆資之亦不過厚所濟甚博其施得以
有常行道雖飢不先僮奴而飯當食而見餓夫常推食命之食輕
於財篤於義憂人之憂不啻於己鄉里利害必以身為倡始力興
除之臨事有立摧撓不為沮鄉人之喪貧而不能舉者每歛以棺
而葬以地且資金粟以助其費歎歲為糜待餓者率以為常稱貸
必先最貧下者或謂君將無所取償君曰能償者人已與之吾獨
不忍此為溝中之殍耳焚券已責不少靳己己秋早明春大饑君
博謀賑贍之其家糗米不禁恣民伐薪鬻之以自給擇地不毛道
嶺嶽者買庸鋤治又身請貸於州請州教授丐為先容教授為君

其食也下筋曰鄉人餓且死尚忍安食於此耶在座客竦然起
從君見州將州將慮民逋負難其請君即乞以家破基簿為質得
米米三百斛歸與並鄉大家分計近居之下戶給之貧者咸賴以
活其秋君獨不收前貸代出私廩還官甲申春不雨者三月大無
麥苗農田不復播種六月歲因颶風因之以饑疫貧民挑蕪根春
資充腹或盡室脹死去而操觚以乞者載路特字倅俱闕莫有任
賑民事者君合鄉民雲祭吁嗟至於感泣因詣甄輪奏請發常平
倉米以持民急仍降祠部度牒昇郡轉糴它道以故張公聞鄉典
之舊詒書約為己助上為惻然聽許無一不如所乞會郡太守袁
公孚奉宣詔旨司戶劉公翔實左右之君與鄉人徐謹求賑救之

方得趙清獻公採菑記以獻袁公榜於座右視以為法為是生者
得食病者得藥死者得藏孩提之妾弄者得以長養君之居里亦
緣君得官米以給全活無慮千萬計其端皆自君啟之初中谿有
石障流號石斷自谿濱潮民之架木為樅隔水以捕魚者幾二十
處舟行多覆溺患君與同閩陳常顧民聚石更石斷水道白縣徹
撫去之谿流遂安君既去鄉人鄉人莫不倚君為命士大夫之
賢聞君名曰以未及識面為恨高年七十有一以乾道二年七月
一日卒屬續精爽不亂同上

方臘起妖人召師趣和之反黃岩陷樂清犯桐溪抵菰田管界巡
以郡兵三百人拒之居人惶恐多逃去君始壯歲奮不顧

自是則吾鄉無噍類忍相隨為身地邪因自贊從討賊賊軍依山壅水為固陳徑進有輕賊心君曰賊營据岩險官兵素不習利誘至平地乃可擊耳陳不能用君辭不行官軍半渡給賊決積水灌而下官軍大敗陳與鄉豪李徽及其弟充死焉君以二李公贈卹不知為之傳以表見於世甲戌歲比不登諸鄉艱食姦人謹起託借糧為辭警劫鄉種稠樹村黨最悍水陸為不通郡遣邑尉圖之尉止中道不敢進次起鄉兵討捕君曰人心方搖當填以靜臨以白刃必將激而為亂矣軍馬至渡潭酒坊呼酋首二三人命坐諭以禍福皆幡然感動即日罷歸它黨亦聞風而定郡鹽課積增至己巳歲歲七十四萬八千五百斤有司艱於趣辦輒賦於民寸

產之家無免者按月征歛吏緣為姦類略豪強而增敷細民係縲於官無虛日因以破家者不可計君遣士直偕鄉人王大充訴於監司臺省得免增敷數萬斤猶以未足寬民遣甥盧緯偕士直復言戶部請蠲歲課之半時司邦計者聚歛方急甥子久客困沮而歸君又遣之始末六年費損家貲鉅億計沮撓非一君截然無倦雖一餉頃常疚懷最後州人龍圖閣學士何公溥貴於朝為主張是減年額二十五萬二百斤盡罷下戶科抑而上戶所出亦輕同按狀進之娶周氏繼韓氏子七人士直某某士高先卒又按水心集劉子怡墓誌銘亦載其略子怡進之幼子名士德士德子德與水心友故水心為其父誌墓又按進之事略具郡志而

徐謹陳常王大元輩志皆不能盡詳皆當據此補之

劉進之有子

六子五姪皆樸靜重訥未嘗程督鳴侍林立不一亂聲色幼子思君愛之曰能大吾門士思方實詳審特然後言行推為鉅人長者君所欲行奉命恐後寒暑千里外舉無情吝君既卒家稍衰遇佳事力不能應縮手皺眉噓氣而已士思子公億眩悶踴沒涕縻縈地而言曰屈吾父哉抑吾祖哉

水心集十七劉子怡墓誌銘

劉進之有過人才德

劉君躬行於家而人化於理無利之誘而為善者勸無罰之驅而為不善者恥非有過人之德不能以儒者而知兵以匹士單人而

能扞一方之患難非有過人之才不能

真德秀西山集三十一跋永嘉劉君誌墓

按篇末云端平初元書以還君之孫晉明劉君不知其為何人誌銘亦不知為誰作其孫晉明亦無可攷見而所言與進之頗相類或即進之也然則進之之孫不獨公億為水心友矣又按戴栩浣川集一前休處士余君執詞云事向生前了名逾死後新谿山三尺家詩酒四時春急義先鄉社憂民間縉紳蜚江纒一輩恨阻送車塵處士蓋樂清人其事與進之相類惜無從攷其名矣

陳府君厚德

陳府君紹字元繼於祖行最少傳良及詳其為人里中有故或眾

以上均劉進一事勿切

有遺世族中有故或獨不能支必須府君至而後集夫人善助之
日以酒肉飲食人時出嬉遊冬歲必為具燕少長至僮僕不遺其
用度如不節而家貨倍於疇昔止齋集四十九族
叔祖元繼壙誌

陳義民居鄉自得

公姓陳氏諱義民字季陽溫瑞安人於故吏部侍郎公夔字蕃仲
為母弟止齋集陳季
陽墓誌銘

季陽與蕃仲少小同受學皆不類凡兒一為大官一以布衣老鄉
評雖稱好兄弟不以是為次第上同

善教子使從名士遊揀舉進士第二人是歲特有旨高第不待次
得幕府官遂食其祿遇太上皇后慶壽恩亦新得初品官季陽始

念不在官與祿晚顧奄有之上同

季陽居鄉棄負振之唯所故鄉人有善不善且勸且諷往往莫之
遺年七十無終日意不自得者上同

朱世綸義行

公諱世綸字天蘊厚齋其別號也竹園類輯族叔厚
菴先生墓誌銘

皇清定鼎初鄉村盜熾既平捕者按保甲連及於良民公往佐幕
為白其無罪者全活數十人順治戊戌海寇犯江甯艘過吾邑破
城聚輜重里有儒人之餉將繫之下海公願以身代賊問故對曰
彼有親在我亡是賊義而釋之上同

介節

朱純甫知命

朱君諱完字純甫少從進士舉以疾廢杜門謝人事元祐中邑人創佛廟崑山下而君適有地介其間佛者議曰於君弗聽請以旁近地易之君弗聽又數倍其值冀君售焉且曰君毋沮善事可以徵安寧之祉否且病君曰若言怪吾聖人不言也朱幾果病邑人駭甚申論者相屬君以為吾病非命也即卒不聽

衡橫塘集十九
朱純甫墓誌銘

按誌純甫崇寧改元七月卒年六十五娶戴氏二子絳習進

進士統葬橫山陶公谷世家瑞安

徐子雲個儻有大志

徐履字子雲瑞安人個儻有大志紹興中省試第一秦檜欲以
女妻之及廷對乃佯狂不荅一字遂置甲末後官至朝請郎不

染於秦氏時人高之萬姓統譜七

按郡志載子雲事較詳而與此互異

宋瀋熙間省元徐履善墨竹得風作笑之態時出紙上雍正壬
子王吏部虛舟先生攜觀梁溪聽松齋中傳聞履殿試日寫新
篁於卷尾題云畫竹一竿送與試官其清狂殊可愛也十餘年
虛舟先生已歸道山此畫無存予養河江上偶作小筆輒一動

念履之畫竹世不恆見視之夏咏文壁姚綬之徒幾有威鳳山

鷄之喻矣金農冬心先生畫竹題記

徐少初天下士

故沿海制置參議徐公履少初天下士也止齋集四十九沈叔阜塘誌

按叔阜名昌娶少初女見本誌叔阜別見甲集止齋弟子

既逸

林氏達 沈善性

已抄

隱逸

林民達善治生

民達諱悅姓林氏溫瑞安帆遊人 民達善治生嘗為余言少
遭父喪一日傭者數十輩立門請所使久不能遣吾內慙於是
夜為條處而旦授之日力半而功倍以故益矜奮志亦浸長蓋
民達治生以惠為取以華為儉以善忍為斷畜僕雞犬養之各
得其欲樹木蔬葍藝之各遂其宜亭榭門巷藩溷井堰治之皆
中繩墨也予鄉之言生理者歸焉

止齋集四十七
林民達墓誌銘

沈耕道高致

耕道少習進士累從有司舉輒弗利乃棄去徙居江上日與所
往遂隨所遇娛嬉酣飲極談浮沈里閭或乘輕舟夷猶中流舉
席鼓柁泐然天來混迹漁者笑語歌每夜或忘返視其四放若
不知世之有榮辱貴富可以為欣戚也

橫塘集二十沈耕
道妻葉氏墓誌銘

按耕道誌不著其名蓋亦賢而隱者其子名愨娶吳積中女
積中則娶於許氏蓋即橫塘之女兄弟見石本吳積中妻許

氏塘誌

沈養性嗜竹

沈復養性故仙隱翁之孫也世家瑞安之北湖養性嗜竹環其
居皆樹之而起居食飲無弗與竹俱

平仲集一
聽竹軒對

按養性蓋仲一後人惜仙隱名無可攷

科第 宋元明國朝

紹興同年

第五甲第七十四人朱登字友龍小名擇中小字伯年三十

一七月二十日生外氏婁繼母何具慶下第八十三兄弟三人

二舉娶胡氏曾祖璿故不任祖明遠故不任父謙未仕本貫溫

州瑞安縣崇泰鄉迴波里自為戶右迪功郎

第五甲第一百十七人吳良驥字德稱小名德昭小字明叔年

二十六五月二十日生外氏陳具慶下第三兄弟四人一舉未

娶曾祖鞏故不任祖先故不任父行未仕本貫温州瑞安縣集

善鄉慈德里父為戶貴州助教

第五甲第一百四十二人徐履字少初小名駒兒小字少駿年二十七正月初五日生外氏何繼母陳具慶下第三六兄弟四人一舉未娶曾祖生故不仕祖中故不仕父執禮未仕本貫溫州瑞安縣義翔鄉處仁里自為戶紹興十八年同年小錄

徐省元不對一字

徐履南省第一人時相秦檜欲妻以女因陽狂廷對不答一字乃附第五甲未時人為之語曰殿榜若還顛倒挂徐履依然作狀元終朝請郎紹興十八年同年小錄附記

徐省元畫竹

淳熙間省元徐履因功名之念太重遂有心恙之疾殿試用卷子寫一枝竹題曰畫竹一竿送上試官朝廷亦優容之以省元身後一官與其子子亦恙官亦絕張端義貴耳集下按此與同年小錄所載不合蓋傳聞之誤徐省元能畫竹金冬心猶及見其真蹟

寶祐同年

第三甲第三十七人曹翁善字君錫小名小字第萬八六重慶下年二十四九月十五日丑時生外氏吳治書一舉兄弟二人娶林氏曾祖茂孫宣教即祖黼父廣平本貫溫州瑞安縣來慕鄉祖為戶

第四甲第一百七十一人陳寧祖字志道小名 小字

第二十一慈侍下年五十三十一月六日辰時生外氏張治書

五舉兄弟 人娶章氏曾祖迪祖忱父麟本貫福州長溪縣寄

居温州瑞安縣父為戶

第五甲第一百六十六人金庚登仕郎字西叟小名 小字

第 下年三十四 月 日 時生外氏 治

書一舉兄弟 人娶 氏曾祖元祖 父 本貫温州瑞

安縣

陶山張氏科目

張氏之居曰陶山山回水明蔥秀舊蔚如善畫者開元以來世

有冠冕自元豐至開禧第科目者十三人水心集二十九題張聲之友於叢居記

狀元讖語

瑞安州志義井在永安江之湄讖語云義井好繫船永安出狀

元宋嘉熙二年周坦廷對第一計院蓋其後也林景熙霽山集一寄周計院詩

注

按計院名埏郡志選舉誤作永嘉人瑞安志埏誤作廷皆可

據此正之

洪武同年

崇禎元年戊辰林增志 任先易四房乙巳十二月十一日生

瑞安人鄉二十三名會十名三甲六十八名兵部觀政授湖廣

蒲圻知縣甲戌行取考選翰林院編修丁丑展書庚辰降翰林院侍詔曾祖大莊祖守身增生父得昭廩生易四房翰林院侍講承德郎劉必達
士徵湖廣景陵人壬戌

封爵宋元

許景衡

可特贈加五品正奉大夫瑞安縣開國男

建炎二年六月制瑞安許氏譜

宋之才

乾道二年七月戊辰以疾卒於正寢享年七十有七贈左中散

大夫累封平陽縣伯食三百戶

浪語集宋侍郎行狀

項模

裔出宋秘書瑞安縣開國男模之後

謝鐸桃溪淨彙建陽知縣項是墓誌銘

按吳字崇仁成化壬辰進士項模嘗為秘書監見南宋館閣

錄

封廕宋元明國朝

知鬱林州戴壯猷父游母周氏嚴氏

夫人姓鮑氏諱悟清永嘉人高大父軒光祿少卿大父得朋任

從政郎贈朝議大夫父游以鬱林知郡壯猷贈武翼大夫母周

氏繼嚴氏皆贈宜人石本林夫
人壙記

按夫人子名鍾瑞安人

承議郎知寧德縣謝雱父知柔母張氏

父知柔嘗居瑞安之樂善鄉里人稱樂善先生君仕升朝贈承

事郎母張氏贈孺人攻媿集一百九承
議郎謝君墓誌銘

寶謨閣待制陳傅良妻張氏子師轍師朴

令人幼昭字景惠姓張氏溫州永嘉人年五十封令人水心
集張

令人墓
誌銘

遂以余兄子師轍為己子以進賀太上皇帝登極表補迪功郎

福州羅源縣主簿次子師朴以紹熙五年大享明堂恩補承務

郎止齋集令人
張氏壙志

福建左參政楊景衡祖瑜父良祖母某氏母趙氏妻曹氏

東魯生武烈武烈生瑜瑜生良是為公之高曾祖禰也祖暨父

皆以公貴封大中大夫福建左參政祖母某氏贈淑人母趙氏

封太淑人介庵集十三參
政楊公墓誌銘

配曹氏封淑人宋少傅禮部侍郎文肅公叔遠之八世孫同上

七品散官朱養心父潤祖

公諱潤祖字存益號益菴邑庠生以子爵贈承事郎子男五長

養心授七品散官瑞安朱氏譜楊景衡贈承事郎朱公墓誌銘

知政和縣張渙曾祖繪父欽母蘇

曾大父諱繪元至正誥封承事郎父諱欽正統元年誥封文

林郎母蘇氏孀人蘆浦張氏譜楊景衡政和縣尹張君墓誌銘

中書舍人柳楷父信母姚氏

瑞安柳公諱信字尚孚既卒葬於管營嶺先墓後以子楷貴贈

中書舍人其配封太孀人姚氏與公並命石本李東陽徵仕郎柳公墓誌銘

尚寶司卿任道遜父傑母沈氏妻孫氏

爾中書舍人任傑乃尚寶司卿任道遜之父茲特加贈爾嘉

議大夫天順二年誥命

按中書舍人乃其前封故曰加封

爾孀人沈氏乃尚寶司卿任道遜之母特加贈為恭人同上

按孀人亦其前封

爾尚寶司卿任道遜之妻孫氏茲特封爾為恭人同上

建陽縣知縣項旻遠祖模祖惇

裔出宋秘書瑞安縣開國男模之後祖惇贈安仁知縣謝鐸桃溪淨稟

建陽知縣項君墓誌銘

按項模見郡志選舉又見中興館閣續錄其封瑞安縣開國男別無所見蓋據黃氏譜又按旻父備官工部主事故不以知縣封

順天府丞周令妻丁氏

順天府丞周令妻封孺人丁氏 茲特進封為恭人 嘉靖十年

真蹟

福建水師提督許松年曾祖寅祖宗衛父灝母張氏

曾祖寅祖宗衛父灝並贈振威將軍母張氏贈一品夫人 邵懿辰福

建水師提督許公墓表

學正方成珪父宗盛母洪氏

自丁巳歲正月廿五日午時生於三月廿五日午時 以覃恩

馳贈爾為修職郎 道光八年

爾洪氏迺浙江杭州府海甯州學正方成珪之母 以覃恩馳

贈為八品孺人

教授方成珪父宗盛母洪氏

爾方宗盛迺浙江甯波府教授方成珪之父 以覃恩贈爾為

文林郎 道光二十五年

爾洪氏迺浙江甯波府教授方成珪之母 以覃恩贈爾為孺

人

方友
王守中已
吳初東已

已抄

名臣已抄

介節 宋

朱德甫知命 狂少知已

義行 宋

陸存君存純已 朱世信已

已抄

次位 宋已抄

林上條已抄

循吏

周濂中 抄此条起

林正韓已

國初回系士白句抄

國初寫二系士

生飲袁子儀刻

第

一

考定瑞安鄉賢位次

宋處士林石

先生以建中請國元年卒年九十八先生於真宗景德元年

秘書省正字周行已

登元祐辛未以中

太學生許景亮

忠簡公

尚書右丞謚忠簡許景衡

紹聖甲戌

辟雍正趙霄

崇寧癸未

按公與周恭叔許忠簡沈彬老所謂之其先生也旧祀獨遺公殊不解今增

程門弟子太學生沈躬行

程門弟子知閣門事謝佃

程門弟子潘曼

江東轉運使謚忠愍薛良顯

崇寧癸未

監察御史婁寅亮

政和壬辰

贈通奉大夫薛良貴

良顯弟

政和壬辰

教文閣待制謚文簡宋之才

重和戊戌

贈忠訓郎徐中辰

直秘閣福建提刑沈大康 建炎戊申

朝請郎徐復 紹興戊辰

承士林松孫 有與先生孫紹興季年人

素州守邱何 乾道壬戌

監建康戶部將軍庫林頤叔 乾道丙戌

寶謨閣待制謚文節陳傅良 乾道壬辰

權兵部尚書謚文懿蔡幼學 乾道壬辰

寶文閣學士謚文定葉適 淳熙戊戌

蘭溪令朱清 淳熙戊戌

右文殿修撰陳武 淳熙戊戌

湖南提刑張聲道 淳熙甲戌

徽猷閣待制謚文肅曹叔遠 紹熙庚戌

寶章閣待制謚文恭曹鑑 嘉泰壬戌

武經大夫吳玠 嘉泰壬戌

大宗丞木天駿 嘉熙戊戌

司農少卿陳淳祖 嘉熙戊戌

薦舉科王奕夫 淳祐時人

福建提刑陳壽孫 宣統癸丑

遺民曹植孫 有人元合按邑志稱公宋之末與平陽梅溪以詩文自娛蓋以宋遺民自

元永嘉至吳成封 至治辛丑

郡庠教曹理孫

福建道宣慰使都元帥彭庭堅 至正己未

福建行省都事高從 至正己未

徵士金建 至正間徵程者皆不赴

徵士陳時敏 精研易學至正間徵不赴

孝子周樂 才圖於於退梅樂父居至舟於沈之亦樂請及不許推父同死

明戶部侍郎謚忠貞卓敬 洪武戊辰

國子監助教木景芳 洪武初舉孝子劉崇

福建左參政楊景衡 洪武庚午舉人

肥鄉訓導鄭士達 洪武年貢士以請難抗命成遠東

國子監學正黃朝光 洪武九年以經學舉

襄陽太守鮑原美 洪武中任襄陽以請難抗命禍成

秦府紀善曹壯 永樂中

河東運使韓偉 永樂年貢士

徵士李德基 永新

徵士虞原璩 永樂中薦行大典

太常少卿黃養正 永樂中書舍人後死土木之難

太常卿任道監 永樂中以書舍人處宏以補殿在

雲夢教諭何遇 正德年不舉人

太僕少卿姜立綱 宏治四年任

監察御史謚恭請陳茂烈 宏治丙辰

通政使周令 宏治庚午直秘書

贈翰林院編修林得昭 地志父

贈禮部給事中李炯 惟禮父

舉人毛羽皇 宏正庚午

右鄉賢六十人載入府志者五十人徐公震葉公道朱公清則嘉慶十年奉文查取鄉賢姓名各係八開報者也周公行已沈公躬行姜公寅亮張公聲通吳公細則吾邑志以為不增者也今皆遵志增入惟林拱辰一名考府志及平陽縣志確係平陽人志亦以為不增誤矣今不從林公願未志不載空祠內有其位未詳何特所增然公之任績詳見水心所撰墓志卓然循吏俎豆允宜茲仍其舊題公青則元豐九先生之一實與周恭叔許忠簡各名舊志併列遺漏今不可不亟為補入者也至諸賢年代先後舊志舛誤殊多並為訂正如右庚午二月止受附錄

考定端名宦位次

漢東郡都尉安鄉侯蔡敷明

宋和縣王公倚 宣和間任

宋西園令張進之

和縣陳良翰

縣尉黃度

元初州三寶柱 至正間任

達魯花赤察罕

知縣魏本 洪武四年任

主簿張九成 洪武八年任

知縣林英 洪武末年任

知縣莫然 永樂十四年任

知縣邱山 成化十二年任

教諭張文亦 正德九年任

教諭徐資 正德十年任

知縣朱祀 嘉靖十年任

知縣王士翹 嘉靖間任

教諭王希周 嘉靖丙辰任

知縣有柯 萬曆五年任

知縣王祚 萬曆四十年任

訓導汪令德 萬曆四十七年任

知縣李元德 萬曆四十八年任

訓導劉宗周 萬曆間任

知縣沈龍躍 天啓六年任

訓導錢益忠 崇正間任

國朝知縣羅萬象 順治三年任

雙德大使曲德誠 康熙三年任

知縣鄔銓 雍正六年任

副將胡貴 乾隆九年任 原作先令據縣職官志改正

訓導章昱 乾隆八年任

知縣周鼎 乾隆二十六年任

副將藍嘉傑 嘉慶十二年任

右名宦五十五人載入即志者十八嘉慶十年奉文查取添入開報者三十人又邑志以右亦增者十八今皆遵志增入惟南育薰景道志相沿在蔡教則之次考之史傳實永寧

主簿陸游

知州杜和 至正間任

明知縣于泰 洪武二年任

縣丞劉光 洪武八年任

知縣素鴻仔 洪武十七年任

主簿呂洗 建文間任

知縣徐何

知縣徐錢 宏治三年任

知縣秦鑑 正德五年任

知縣曹浩 嘉靖六年任

主簿賈詒 嘉靖十一年任

知縣劉幾 嘉靖間任

知縣周大有 隆慶間任

知縣田良盛 萬曆十九年任

考即志者移別字周下

教諭陸大紳 萬曆間任

知縣吳成源 天啓二年任

教諭章史佳 崇正三年任

知縣張岳 崇正

知縣譚希閔 順治十五年任

訓導項景清 康熙四十九年任

副將張光龍 乾隆二年任

教諭陳世修 乾隆八年任

知縣陳永清 乾隆十二年任

訓導李樹範 乾隆四十六年任

受及也今亦從刪
考定忠義祠位次

漢安鄉侯蔡敬則

宋江東轉運使謚忠愍薛良顯

宋封忠惠侯張理

宋贈忠烈郎徐震

宋知江山縣贈朝奉大夫吳叔沅 初江山時死寇難

宋義士王心觀 宋末殉難

元本州州判張文貞

明肥鄉訓導鄭士達

明生員鄒欽堯 明末殉難

忠義祠附祀孝子位次

元孝子葉貴道

孝子王貴前

明孝子謝正後

明孝子項愛親

以上七人俱雍正元年奉文

附祀忠義祠

國朝生員張家珍

生員薛源

生員趙景星

四公祠

梁見川

傅朋台

羅念崖

王暢谷

叔吳亦嘉人

皆有功於學校者以孝靜虛沈沈枚臣配

唐忠烈武義侯葉原

宋贈通奉大夫薛良貴

宋義士張頤

宋八行科趙志

以上六人俱懷方臘亂有功良顯
理震則死事者也

宋直龍圖閣福建提刑陳壽孫 元兵徇瑞可
拒戰死難

元福建道宣慰使都元帥忠愍侯彭庭堅

明戶部侍郎謚忠毅卓敬

明贈太常正卿黃養正 死土木之難

孝子周樂

明孝子季美良

明孝子姜約

歲貢生

生員孫詒穀

武舉吳希璘

進

四

陽新君厚統 以下已

、映南 (科第) 乙 洪光同年

(方壽) 乙 項核

(方應) 乙 方成陸

(古竹是愛) 乙 子起津

(文) 乙 時 乙 著名振

廣石始 孫也修

(氏族) 乙 楊氏

(藝術) 乙 周氏

劉進一 永嘉人 誤錄於此 名州士

下劉進一有進一人才被乙未也 其名矣 云云

劉進一 一多勿切

忠義

薛良起 乙 錢芳二為其心

This is a blank, aged, light brown paper cover of a book. The cover shows signs of wear, including a large, faint, circular stamp in the center and several small, dark spots. The left edge of the cover is bound with a traditional East Asian style, featuring a vertical strip of paper and several horizontal lines indicating the spine's structure. The overall appearance is that of an old, well-used book cover.